

### 1.3 Oprema

Oprema (GPRS komunikator i data kartica) koja je instalirana na objektu Naručiitelja usluga je vlasništvo Davatelja usluga, a istu će Naručiitelj usluga iznajmljivati od Davatelja usluga po cijeni iz priloga A u periodu trajanja ugovora.

### USLOVI VAŽENJA UGOVORA

#### Član 2.

Ovaj Ugovor se zaključuje na određeno vrijeme i to na 12 (dvanaest) mjeseci. Bilo koja strana ima pravo pravo raskinuti ovaj ugovor u skladu sa članom 11 stav 1 istog.

Dan početka pružanja usluga je 01.01.2019. godine.

Ovaj Ugovor, zajedno sa Prilozima predstavlja cjelokupni dogovor između Ugovornih strana i ima veću važnost od svih prethodnih sporazuma i korespondencije, usmene ili pisane, između Davatelja i Naručiitelja usluga. Sve predstavke, obećanja ili dogovori koji nisu sadržani u ovome Ugovoru, nisu obavezujući.

Sastavni dio ovog ugovora čini:

**Prilog A: Objekti na kojima se pruža usluga, kontakt osobe i cijene za pružene usluge**

**Prilog B: Inventurna lista**

### NAKNADA ZA IZVRŠENE USLUGE

#### Član 3.

3.1 Plaćanje: Naručiitelj usluga će vršiti plaćanje Davatelju usluga za usluge pružene u skladu sa ovim Ugovorom.

3.2. Cijene: Definisane u Prilogu A ovog Ugovora ne sadrže porez na dodatnu vrijednost (u daljem tekstu: PDV).

3.3. Fakture i uslovi plaćanja: Naručiitelj usluga će platiti Davatelju usluga naknadu za izvršene usluge u roku od 15 (petnaest) dana od datuma izdavanja fakture. U slučaju da Naručiitelj usluga ne ispuni obavezu plaćanja, kako je definisano prethodnim stavom, zaračunavaju mu se zakonske zatezne kamate.

Naručiitelj mora u pismenom obliku obavijestiti Davatelja usluge o eventualnom sporu u vezi sa iznosom ispostavljenog računa u roku od 15 (petnaest) dana od dana izdavanja računa, u suprotnom će se smatrati da je odustao od svih sporova.

3.4. Porezi: Naručiitelj usluga snosi troškove PDV koje će Davatelj usluga posebno iskazati na fakturi.

3.5. Obaveze Davatelju usluga: Davatelj usluga je obavezan da podnese u potpunosti dokumentovanu i ispravnu fakturu, sa svom popratnom dokumentacijom koju Naručiitelj usluga može zahtjevati.

3.6. Periodično usklađivanje cijene usluga: Ugovorne strane saglasno utvrđuju da će, ukoliko dođe do povećanja troškova života, minimalne plate, socijalnih davanja, ili troškova u vezi sa vozilima ili opremom, zakonodavnih promjena koje utiču na provedbu ovog Ugovora, pristupiti pregovorima o povećanju cijena usluga definisanih ovim Ugovorom.

Svaka izmjena biće međusobno usaglašena izmjenom Priloga A ovog Ugovora.

3.7. Obustava: U slučaju kašnjenja s plaćanjem od strane Naručiitelja usluga, Davatelj usluga može obustaviti pružanje usluga prema ovom Ugovoru, uz pismenu obavijest dostavljenu 10 (deset) dana prije obustave pružanja usluge. Obustava neće osloboditi Naručiitelja usluga od njegovih obaveza nastalih prema ovom ugovoru.

3.8. Zahtjevi za prilagođenje i dodatke Uslugama. Shodno uslovima ovog Ugovora, svaka strana može tražiti razumna prilagođenja i/ili dodatke Uslugama u pisanoj obavijesti poslanoj drugoj strani. Takva prilagođenja i/ili dodaci zahtjevaju i prilagođenje Priloga A i Priloga B ovoga Ugovora. Strane u dobroj volji pregovaraju o svim prilagođenjima koje se traže i/ili dodacima uslugama, naknadama za usluge i/ili ovome Ugovoru. Kako bi bilo koja promjena usluga, naknada za usluge i/ili ovoga Ugovora bila obavezujuća za strane, sva prilagođenja i/ili dodaci moraju se dogovoriti u pisanom obliku s ovlaštenim predstavnikom relevantne strane. Ukoliko takav dogovor nije postignut, usluge, naknada za usluge i ovaj Ugovor ostaju nepromijenjeni.